

Zeitschrift: L'ami du patois : trimestriel romand
Band: 18 (1990)
Heft: 69

Artikel: Amicala dai patoisan de Savegni, Fori et einveron
Autor: M.-L.G.
DOI: <https://doi.org/10.5169/seals-242449>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 13.03.2025

ETH-Bibliothek Zürich, E-Periodica, <https://www.e-periodica.ch>

AMICALA DAI PATOISAN DE SAVEGNI, FORI ET EINVERON



L'è lo 10. de mâ 1990 que noûtr' Amicâla l'a tegnu sa tenâllia statu-téra à Savegni. Apri avâi sohitâ la binvegnâita à tsacon, lo presideint Fanfouet Lambelet, de Pouâidâo, a rappelâ lo sovenî de doû bon patoisan qu'ant sobrâ : Monsu Felipe Metsî, qu'on lâi desâi Fipsou, mante-niâo dâo patois, qu'a prâo écrit po lè concoû et su lè papâi. Et pu, Monsu Luvi Parisod de Forî, on hommo treinquillo et adî soreseint.

Avoué Dama Portset, de Coçalle-lo-Dzorat, lè compto sè portant bin, damachein que lâi a z'u à déborsâ po la fîta à Bulle.

Quand bin mîmo l'è mégro, lâi a on petit revegneint-bon.

Ao comitâ, nion l'a einviâ de dèmechounâ et l'asseimbyâie l'a pas fam de dèguelyî sè précaud. Adan, sant renomâ : François Lambelet, Puidoux, président; Jean-Louis Chaubert, Puidoux, vice-président; Madeleine Porchet, Corcelles-le-Jorat, caissière; Marie-Louise Goumaz, secrétaire, Puidoux; Daniel Cordey, membre de bon conseil, Forel. Po l'an que vin, lo contrôlo dâi compto sarâ l'affére de Monsu Pierro Badoux, Madama Elisabeth Mojonnier et Fernand Müller. Dein son rappoo lo presideint remâche prâo lo diretteu de la petite chorâ-la, dan Frank Cherpillod de Vutserein, et asebin Dama Goumaz que s'adene à recordâ lo patois decé, delé. Lo presideint salue Monsu Amédée Clément, dâo Botiè à Tobi, que no fâ l'honneu de passâ la vêprâ avoué no. Faut sè tenî lè câodè po mantenî lo patois et cein fâ rîdo plliésî de vère dâi patoisan d'auotra pâ s'interessî à cein que sè fâ pè châotrè.

Tandu l'eimpartyâ famelyîre l'ant oyu prâo gandoise et gouguenette de patoisan que sant vegnu de prî âo bin de lyein, d'Ullon, de Vè-lo-Motî, de Gryon, de Prilly. Tsacon l'a coudyî fére plliésî âi z'ami ein conteint, ein tsanteint, ein lyèseint dâi bin galése tsoûsè. Granmacî à ti !

M.-L. G.